

沅陵縣志卷十六

兵制

漢

建武二十五年己酉謁者宋均受五谿蠻降始為置吏司

蠻遂平

後漢書南蠻傳  
侯志

隋

開皇元年己酉置辰州處蠻

侯志

唐

開元二十六年戊寅黔州置五谿諸州經畧使

方鎮表

按是時辰州隸黔中道

沅陵縣志

卷六

兵制

十七

天寶十四年乙未五溪經畧使增領守捉使

方鎮表

大歷四年己酉置辰巫溪錦業五州都團練守捉觀察處

置使治辰州

方鎮表

十二年丁巳置黔州經畧招討觀察使領黔施夷辰思費

敘播南泰珍錦等州治黔州

方鎮表

貞元元年乙丑黔州觀察使徙治辰州增領獎溪二州

方鎮

表

三年丁卯觀察使復治黔州

方鎮表

元和三年戊子觀察使增領涪州

方鎮表

大順元年庚戌改黔州觀察使號武泰軍節度使

方鎮表



宋

乾德元年癸亥以秦再雄為辰州刺史鎮撫諸蠻再雄至州日訓練土兵得三千人皆能被兵渡水歷山飛塹捷如猿猴尋改再雄為辰州團練使

宋史蠻獠傳

二年乙丑十二月詔溪州宜充五溪團練使刻印以賜之五年丁卯冬以溪州團練使彭允足為濮州牢城都指揮使溪州義軍都指揮使彭允賢為衛州牢城都指揮使珍州錄事參軍田恩曉為博州牢城都指揮使允足等溪峒酋豪據山險持兩端故因其入朝而置之內地

蠻獠傳

沅陵縣志

卷六

兵制

六

按義軍之制即鄉兵也文獻通考云溪峒諸蠻種類滋熾保據富險或叛或服控制陬落須其土人故置是軍皆選自戶籍蠲免徭賦番戍寨柵大率安其風土則罕嬰瘴毒知其區落則可制狡獪其校長則有都指揮使副都指揮使指揮使副指揮使都頭副都頭軍頭頭目等員皆敘功遷補使相總領北路總一萬九千四百人番戍諸砦或以歲或以季或以月人給口糧有功遷補雖其始制之年不詳而宋世鄉兵之制觀此亦可曉然矣又按宋史兵志荆湖路諸州軍皆置牢城指揮以待有罪配隸之人充步軍之額熙甯三年別為一軍則當



口彭允足輩遷之內地與之以官其意固如此也府志

五年荆湖南北有弩手土丁宋史兵志

按此鄉兵之制也宋鄉兵者選自戶籍或上民應募在所團結訓練以為防守之兵也

康定間詔荆湖路募宣毅隸殿前馬步軍每軍有都指揮使有副指揮使有都虞侯每都馬軍有軍都有副兵馬使步軍有都頭有副都頭有十將有將虞侯有承局押官時辰州有宣毅步軍一兵志

按宣毅禁軍之制也考宋史禁兵者天子之衛兵也殿前侍衛二司總之以守京師備征戎其在外者非屯駐

沅陵縣志

卷六

兵制

九

屯泊則就糧軍也後有教閱忠節雄畧威果各營皆禁軍也

皇祐五年癸巳荆湖置教閱忠節州一營大州五百人小州三百人於是宣毅寢廢不復補而荆湖益募雄畧時

辰州有雄畧步軍二兵志

四年己亥詔荆南募就糧號威果各營於本州又益遣禁軍駐泊長吏兼本路兵馬鈐轄選武臣為都監專主訓練於是東南稍有備矣兵志

熙寧三年置鎮溪砦

蠻獠傳地理志

五年壬子以張翹言南北江利害遣章惇察訪湖北經制



蠻事初南江諸蠻自辰州達於長沙邵陽各有溪洞曰  
敘曰峽曰中勝曰元則舒氏居之曰獎曰錦曰懿曰晃  
則田氏居之曰富曰鶴曰保順曰天賜曰古則向氏居  
之舒氏則德郭德言君疆光銀田氏則處達漢瓊漢希  
漢能漢權保金向氏則通漢光普行孟永豐永晤皆受  
朝命自治平末舒光銀入貢故事南江諸蠻亦隸辰州  
貢進則給以騾券光銀援以爲請詔以券九道給之其  
後有峽州舒光秀者以刻剝其眾不附張翹言南江諸  
蠻雖有十六州之地惟富峽叙僅有千戶餘不滿百土  
廣無兵加以薦饑近向永晤與繡鶴叙諸州蠻自相讐

沅陵縣志

卷六

兵制

三

殺眾苦之咸思歸化願先招富峽二州俾納土則餘州  
自歸并及彭師晏之孱弱皆可郡縣詔下知辰州劉策  
商度策請如翹言至是乃遣章惇察訪而南江之舒氏  
梅山之蘇氏誠州之楊氏相繼納土勅立城砦其北江  
爲彭氏諸蠻所據者時湖北提點刑獄李平已招納彭  
師晏誓下州峒蠻張景謂彭德儒向永勝覃文猛覃彥  
霸各以其地歸版籍詔修築下溪州城并置砦於茶灘  
南岸賜新城名會溪新砦名黔安戍以兵隸辰州出租  
賦如漢民遣師晏詣闕授禮賓副使京東州都監官其  
下六十有四人

蠻獠傳



熙甯間以辰沅五郡弓弩手萬三千人散居邊境訓練無事耕作有警調發紹興後增損靡定

兵志

是時湖南徭人平辰州置澄江指揮一旋改號曰宣節

指揮

兵志

按此廂兵之制也宋史廂兵者諸州之鎮兵也內總於侍衛司一軍之額有分隸數州者或一州之管兼屯數州者其將校曰都指揮使曰都虞侯每指揮有指揮使有副指揮使每都有軍使有副兵馬使有都頭有副都頭有十將有將虞侯有承局押官建炎後因之

崇甯元年壬午詔荆湖北路添置禁軍五指揮以靖安為

沅陵縣志

卷六

兵制

三

名隸侍衛步軍司

兵志

致和中五溪蠻擾邊知樞密院鄧洵武倣陝西弓箭手制募邊民習知溪洞險易者置所司教以戰陣勸以耕牧得勝兵幾萬人以鎮撫之

鄧洵武傳

七年丁酉以辰沅澧等州更戍土丁與營田土丁名稱重

疊將兵馬都鈐轄司招填土丁改為營田刀弩手

宋史兵志

重和元年戊戌辰州招到弓弩手二千一百人

兵志

紹興元年辛亥置荆湖北路安撫使治鼎州領鼎澧辰沅

靖

宋史地理志

是年沅州奏熙甯未始創營田鼎澧辰沅靖置弓弩手



二千人 文獻通考

四年戊子二月詔湖北路安撫司給田募辰沅靖三州刀  
弩手 本紀

元

至元初典兵之官視兵數多寡為爵秩崇卑長萬夫者為  
萬戶千夫者為千戶百夫者為百戶萬戶之下置總管  
千戶之下置總把百戶之下置彈壓立樞密院以總之  
遇方面有警則置行樞密院事已則廢而設都鎮撫司  
屬行省萬戶千戶百戶各分上中下 元史兵志

二十八年辛卯十二月改辰沅靖州轉運司為湖北湖南

沅陵縣志

卷十六

兵制

三

道轉運司立葛蠻軍民安撫司 元史本紀

二十九年壬辰詔以荆湖北道宣慰司舊領辰沅澧靖歸

常德直隸湖廣省 本紀

三年己亥三月 本紀作十二月沅州賊人嘯聚命以毘陽萬戶府

鎮守辰州鎮巢萬戶府鎮守沅州靖州上均萬戶府鎮

守常德澧州 元史百官志

延祐七年庚申五月英宗罷沅陵縣千戶所 本紀

至正二十四年甲辰十二月吳王 明太祖建國號曰吳遣徐達克辰

州革元萬戶府置辰州衛 明史帝紀

明



洪武初天下既定度要害地係一郡者設所連郡者設衛  
大率五千六百人爲衛千一百二十人爲千戶所百十  
二人爲百戶所所設總旗二小旗十大小聯比以成軍  
其取兵有從征有歸附有調發其軍皆世籍凡衛指揮  
使司設指揮使一人指揮同知二人指揮僉事四人鎮  
撫司鎮撫二人其屬經歷司經歷知事吏目倉大使副  
使各一人凡襲替陞授優養及屬所軍政掌印僉書報  
都指揮使司達所隸都督府移兵部凡管理衛事惟屬  
掌印僉書不論指揮使同知僉事考選其才者充之又  
每衛設前後中左右五千戶所每所正千戶一人副千

戶二人鎮撫二人其屬吏目一人所轄百戶所凡十共  
百戶十人總旗二十人小旗百人其軍民千戶所設官  
亦同凡千戶一人掌印一人僉書曰管軍千戶百戶有  
試有實授其掌印恆以一人兼數印凡衛所皆隸都司  
又分隸五軍都督府辰州諸衛皆屬湖廣都司而上隸  
於前軍都督府自衛指揮以下其官多世襲其軍士亦  
父子相繼爲一代定制

明史兵志

按沅陵舊志明初設辰州衛指揮使三十四員千戶二  
十九員鎮撫一員冠帶總旗二員百戶五十一員又經  
歷使一員原額軍六千分左右中前後五所領鎮溪軍



民千戶暨清水溪十一堡列營城於東南隅與原制不甚相合豈邊疆之地或別有權宜乎

府志

七年甲寅定兵衛之政征調則統於諸將事平則散歸各衛是年六月仍元制以五寨長官司屬保靖州軍民宣慰使司

兵志

八年乙卯改在外都衛爲都指揮使司隸在京大都督府

兵志

建文中置湖廣行都司辰州諸衛並屬

兵志

宏治二年己酉立僉民壯法以在巡檢者稱弓兵初祖制凡在外各府府州縣關津要害處俱設巡檢司俾率徭

沅陵縣志

卷六

兵制

三

役弓兵警備不虞是時辰州府所屬沅陵縣東北有池蓬巡檢又有高崑巡檢瀘溪縣南有溪峒西有河溪西南有縣場坪辰谿縣東有渡口鎮南有浦市鎮溆浦縣南有龍潭東北有鎮甯沅州西有晃州西南有西關渡口黔陽縣東有安江麻陽縣東北有崑門各置一巡檢統十六巡檢司至是立弓兵平居訓練遇警調發給以行糧而禁役占放買之弊富民不願則上直於官官自

爲募以充役

兵志 職官志 地理志

嘉靖二十七年以征播暫設偏沅巡撫贊理軍務駐沅州

府尋罷



四十二年甲寅署府印同知劉應卜因苗頻次出劫沅陵之深溪浦口復劫至春伊溪離郡城僅三里許乃請於奇坪崑凹地設拱辰營以衛郡城從之侯志

天啟元年辛酉以土官奢崇明反設四川湖廣雲南貴州廣西五省總督職官志

二年壬戌復設偏沅巡撫以後或置或罷職官志

崇正二年己巳定設偏沅巡撫駐沅州而分守湖北道駐辰州又有辰沅兵備道以控制苗人職官志

國朝

順治元年設辰常總兵官駐劄辰州府府志

沅陵縣志

卷六 兵制

三五

十五年戊戌太保洪承疇巡撫袁廓宇大將軍羅託平定辰沅仍設辰常總兵官一員駐辰州設中營左營右營前營水師營各一每營遊擊守備各一員千總各二員把總各四員共馬步戰守兵丁三千名府志

康熙十九年庚申平吳逆乃改辰州鎮為協設副將一員仍駐府城領都司一員守備二員千總四員把總八員水師營遊擊一員千總二員把總四員府志

二十八年己巳裁辰州協水師營於是辰州副將所屬中軍都司一員左右營守備各一員千總四員把總八員馬兵一百八名戰兵百六十六名守兵七百三十名共



一千零九名

府志

雍正七年己酉添設經制外委千總把總共六員

省志

乾隆三年戊午辰州協改駐防把總為千總仍駐瀘溪縣

舊志

二十七年壬午添設額外外委三員

省志

按添設經制各員府志俱編入康熙二十八年裁辰州協水師營案內今從省志更正

四十六年丁亥巡撫趙申喬奏改辰州協駐防澗浦縣守備為千總先是二十四年功加都司守備魯元至澗浦知縣袁丕基詳請留守

府志

沅陵縣志

卷六

兵制

三

按府志前載袁丕基留都司此載趙申喬改都司是時府城固有都司合此為兩都司矣與前所載領都司一員之說不自相刺謬乎考魯元實官守備而功加都司者也故澗志列衛守備以存其實今詳考眾說以訂正焉

嘉慶二年丁巳苗疆肅清改設營制督撫奏准湖南提督分駐辰常每年各半著為令

文案

是年移辰州協副將駐乾州其原設中軍都司改為辰州城守營都司又裁瀘溪沅千總一員守兵九名撥歸新設洗溪營又改烏宿浦市辰谿三汛皆為營將本汛



原設弁兵歸各營管理

文案

是年改撥駐常德之提標左營遊擊移駐辰州帶領守備一員千總二員把總四員外委三員額外一員馬步戰守兵七百五十四名

是年添設後營都司一員為提督親標駐劄辰州於提標前營撥千總一員中營撥把總一員外委一員右營撥把總一員外委一員中右前每營抽撥馬戰守兵二百名其六百名統歸後營都司管轄

省志

按是年辰州城守左後凡三營

四年改辰谿烏宿二營復為汎將辰谿營守備仍為城守

沅陵縣志

卷六

兵制

二七

營中軍守備將烏宿營新設都司移駐河溪營其兩汎

弁兵仍歸城守營管轄

省志

六年裁左營守備一員撥歸鎮筸鎮中營後軍

省志

七年將浦市營守備改為左營中軍守備其把總一員經

制外委一員額外一員駐劄浦市千總一員外委二員

額外一員分駐四都坪并馬戰守兵二百零五名均歸

左營管轄連前額設官弁十九員馬戰守兵九百五十

九名

省志

道光二年移辰谿汎守備駐金廠汎

文案

同治三年奉文按四成裁汰城守營馬戰守兵共三百二



十三名左營馬戰守兵共二百九十五名後營馬戰守兵共一百六十四名城守營自雍正七年後歷有裁減至是年止實存額兵四百八十五名左後兩營自嘉慶二年後歷有裁減至是年止左營實存額兵四百四十二名後營實存額兵二百四十六名

城守營駐城弁兵

都司一員 千總二員 把總一員 外委二員 馬戰守兵一百五十五名

又分駐汎地弁兵

金廠汎守備一員 外委一員 防兵六十名 大油

沅陵縣志

卷六

兵制

三

溪兼金廠北溶二汎把總一員 北溶汎外委一員

防兵五十三名管轄水旱塘二十四處 界亭汎把總

一員 馬底汎外委一員 防兵四十三名管轄旱塘

十五處 烏宿汎把總一員 拱勝坪汎外委一員

防兵四十名 船溪汎把總一員 防兵三十四名

辰谿汎把總一員 額外一員 防兵二十八名 山

塘汎把總一員 防兵三十一名 溆浦汎千總一員

江口汎外委一員 龍潭汎外委一員 防兵四十

一名

左營駐辰弁兵



遊擊一員 千總一員 把總一員 外委二員 額  
外一員 馬戰守兵二百三十九名

又分駐汎地弁兵

浦市汎守備一員 把總一員 外委一員 額外一  
員 防兵七十三名 瀘溪汎千總一員 把總一員  
外委一員 防兵八十二名 四都坪汎千總一員  
外委二員 額外一員 防兵四十八名

後營駐辰弁兵 無分防汎地

都司一員 千總一員 把總二員 外委二員 馬  
戰守兵二百四十六名

沅陵縣志

卷六 兵制

三九

合計三營官弁四十五員馬戰守兵一千一百七十三  
名

論曰上游之三廳沅永靖爲辰門戶辰其堂奧也而觀上  
下游之形勢上捍雲貴下蔽湖湘辰又實爲咽喉明初鎮  
撫指揮千戶百戶共百十數員額兵六千 國初設鎮兵  
三千平吳逆亂遂改鎮爲協嘉慶初平苗移協乾州添設  
左後營額兵二千同治三年兵又裁遂存千數夫以咽喉  
之地而兵額屢裁豈昧於形勢哉蓋自改土歸流縣爲腹  
地制苗之命三廳較重故門戶宜力防耳然門戶過多不  
能保其不疎一路有變則辰告警下游之兵旣艱跋涉而



本地單弱又乏訓練先事之防可或忽歟

沅陵縣志

卷六

兵制

三